

6. 17
*De origine et efficacia nominis
Jesu*

JESU FAVENTE!

JESU NOMEN

PRONUNCIATUM

GENUFLEXIONE CAPITISQUE DENU-
DATIONE, HONORANDUM

probabit

ORATIO VALEDICTORIA,

In

SCHOLA ALTENBURGENSI

IV. Eid. Apr. A. cl. l. c. LXXVI.

habenda,

ad quam audiendam ut confluant JESU aestimatores

submisse, officiose ac peramanter

rogat

M. PAULUS MARTINUS SAGITTARIUS,
RECTOR.

Altenburgi, apud Gothofredum Richterum,
Typographum Ducalem.

Gratiam & pacem

J E S U!

L. B.

JESU nomen lucet prædicatum, pascit
recogitatum, invocatum lenit & un-
git. Nomen Jesu est cibus. Annon toties
confortaris, quoties recordaris? Quid
æquè mentem cogitantis impinguat?
Quid ita exercitatos reparat sensus, virtutes ro-
borat, vegetat mores bonos atque honestos, castas
fovet affectiones? Aridus est omnis animæ cibus, si
non oleo isto infunditur: insipidus, si non hoc sale cõ-
ditur. Si scribas, nõ sapit mihi, nisi legero ibi Jesum:
si disputes aut conferas, non sapit mihi, nisi sonuerit
ibi Jesus. Jesus mel in ore, in aure melos, in corde
jubilus. His verbis Bernhardi, Abbatis Clare-
vallenensis, serm. xv. in Cantic. Cantic. f. 600. ex-
tantibus, pagellas hæcæ felici omine auspico,
sanctissimum JESU nomen consideraturus, quod
nihil habet otiosum, imo ne apicem quidem non
dignum investigatione, non dignum attentione, non
dignum voce, iudicio Erasmi vere ^{Erasmus} in En-
chir. Mil. Christ. p. 21. Considerabo autem ra-
tione originis, efficacæ atque cultus, quantum
chartæ permittet angustia.

Qui vocum notationem sollicitius investi-
gant, non unam vocabulo JESU tribuunt ori-
ginem. Ebræam quam plurimi eruditorum af-
signant, quos tamen in diversas scindi partes vide-
as.

as. Paulus *Burgensis* in c. 3. Exodi, Joh. *Reuch-*
linus l. III. de verbo mirifico, Seb. *Castalio* not.
 ad Matth. I. Alphons. *Mendoza*, qv. 10. Qvodlib.
 Andr. *Osiander*, not. in Harm. Evangel. Joh. *Si-*
liceus, l. de nomine Jesu, *Caravaius* tr. de no-
 mine Jesu, Joh. Anton. *Velazquez* T. 1. annot. in
 Ep. ad Philipp. II. 9. f. 416. aliiqve ex nomine Dei te-
 tragrammato יהוה deducunt, qvod antea αἰρηλον ef-
 fabile fuit redditum inserta litera dentali ψ indican-
 te, Jesum ad nomen illud articulatè proferendum
 dentes nobis attulisse, aut instar DEI Servatoris
 super vulnus humani generis benignissimè & op-
 portunissimè fuisse appositum juxta lusum *Vaz-*
quez in l. c. qvanqvam *Castalio* literam ψ ex voce
 יהוה, & *Osiander* ex יהוה defumtam arbitrentur.
 Sed, qvo minus his accedam, literarum in יהוה
 & יהוה diversitas, diversa item origo & varia si-
 gnificatio svadere videntur. Namqve יהוה à rad.
 יהוה fuit, non יהוה pernicies, ut Hier. *Oleastro* in
 Gen. II. placet, descendens essentiam divinam tribus
 personis communem denotat: ast יהוה à יהוה alte-
 ram tantum Divinitatis personam. Adhæc, μέγαθεν
 αἰθημα, an nomen יהוה unqvam fuerit ἀνεκφώνητον.
 Pronunciatum sanè fuisse, prolixè probant *Sixtinus*
Amama, Joh. *Buxtorf*. & *Theod. Hacksp.* in diss.
 de nomine DEI tetragram. Nomen a. יהוה *Reuchlin*.
 cū ψ essentia, alii cum יהוה salus, nōnulli deniq; cū
 יהוה vir, compositū volunt. Pluribus hoc expedie-
 runt *Petrus Galatin* l. III. Cath. verit. c. 20. Ang. *Ca-*
nin. in not. ad obscura loca N. T. & *Salmeron* l.

III. Hist. Evang. tr. 37. Propius verò metam feri-
 unt, quia rad. ^ו - salvavit nomen *JESU* derivant.
 His enim favet ipse Spiritus S. verbo Græco σωτηριον
 Matth. I. 21. Simeon item *JESUM* σωτηριον appel-
 lans & officium Christi omnes homines salvandi.
 Nec contrarius est *Augustini* lusus, quo I. XVIII. de
 C. D. c. 23. *JESUS* nominatur Ιησους i. e. Ιησους Χριστος Θεου
 υιός σωτηριε: *JESUS* *Christus* *Filius* *DEI* *Salvator*,
 non servator, prout *Beza* & *Castalio* τὸ σωτηριον ver-
 tunt, rejecta voce Salvatoris, ut minus Latinâ. Huc
 & pertinent alii piorum lusus: *In* *Eo* *Salus* *Unicè*
Sita; *In* *Eo* *Solo* *Venit* *Salus*: *Ich* *Erlöse* *Sünder*
Und *Sünderin*: *In* *Einem* *Stehet* *Unsre* *Seligkeit*.
 Conf. Mart. *Chemnitius* Harm. Evang. f. 87. *Flaci-*
us in clavi Scr. part. 2. tr. 6. Joh. *Gerhard.* in Exeg.
 Lc. f. 1120. & *Salom. Glasius* in Onomat. Melsiæ.

Alii ex *Syria* petunt natales; vocemque *JESU*
 ab ^{נשן} sanavit derivant. Sed quid causæ, quod ad
 aliam confugas linguam, cum Ebræa omnium
 matrix radicem, ut jam dictum, suppeditet. Non-
 nulli ex *Arabia* hujus nominis ortum accersunt,
 & quidem *Petrus Kirstenius* not. in vit. Evang. a.
 n. 0 & ^{עוש} receptio clamoris: *Beidavius* verò *Al-*
corani Commentator ^{שן} fuscus deducunt, ut te-
 statur *Hottingerus* Hist. Orient. p. 104. Longius
 adhuc abeunt *Cyrillus* Catech. 10. *Egesippus*, *Euse-*
bius, *Basilius* in Asceticis, *Epiphanius* hæc. 29. &
Moscopolus *Græciam* pro patria allegantes; No-
 men enim Ιησους, quod in quatuor Evangelistarum
 monumentis 739. & in reliquis N. T. scriptis 319. oc-
 cur-

currit, à Græco *ἰάω* fano, a. in, mutato, descendere opinantur, ut *JESUS* idem sit ac *Medicus*, nempe *corporum Medicus, animorum curator, cæcorum sensilium sanator, mentium illuminator, claudorum curator & peccatorum dux ad pœnitentiam*, ut loquitur *Cyrillus l.c.*

Nunc ad *efficaciam* nominis *JESU* devenio, quod *cæcis dedit visum, auditum surdis, claudis cursum, sermonem mutis, vitam mortuis, totamq; diaboli potestatem virtus hujus nominis effugavit*, verbis *Petri Chrysologi ferm. 144. Chartæ verò spatium prius me deficeret, quàm eorum copia, quæ hujus nominis virtute peracta leguntur. Abunde eadem exposuerunt Jacob. Gretserus l. IV. de cruce c. 48. Laur. Surinus T. IV. V. & VI. vit. Sanctior. Martinus Debrio disqvif. Mag. l. II. qv. 16. l. III. part. I. q. 7. & l. VI. c. 2. sect. 3. qv. 3. nec non B. Josephus Clauderus, de Schola Ecclesiæq; nostra præclare meritis in orat. elegant. de dulcissimi nominis *JESU* dignitate ac utilitate, in qua litera canina R. nullibi comparet. Vel unicus ille libellus, cujus tit. *Geistliches Balsam-Buchsel / oder ein kleines Hand-Büchlein von der Krafft des süßen Nahmens JESU / à Societate Annunciatae in domo professa Societatis *JESU* Viennæ 1639. editus, desiderium satis superq; explebit; Multis siquidem exemplis confirmat, dulcissimum *JESU* nomen contra Satanam, Magos, venenum, serpentes, mortem, peccatum, animæq; perniciem, suas exeruisse vires.**

Tandem de *cultu* nominis *JESU* quædam veniunt

unt dicenda. Ephræm Syrus, Diaconus Edeffæ no-
men Jesu scriptum conspiciens lacrymis rigabat, ut
ipse testatur T. III. Op. f. 266. Radegunda, Clotarii,
Francorum Regis, uxor ex nimio in JESUM amore
nomen Jesu capiti inussit. De Henrico Sufone, or-
din. Prædic. Constantiæ referunt Annales ord. Præd.
25. Jan. quod nomen Jesu literis digiti longitudinē
æquantibus pectori inciderit. Quæ ratione Turcæ
Jesu nomen venerentur, docuit Wilhelm. Schikar-
dus in Tarich p. 80. 82. Porro Pontificios in colendo
Jesu nomine nimium effusos deprehendes; Prolatū
namq; aut in tabella pictum capitis inclinatione, o-
sculo aliisq; venerationis generibus excipiunt. Sic
Bernardinus nomen Jesu tabellæ inscriptum popu-
lo adorandum proposuit, in quo & Papam Marti-
num V. promulgato diplomate habuit consentien-
tem. Quin & ulterius processerunt, indulgentias ad-
jiciendo; Ita Papa Iohannes xx. genua audito nomi-
ne Jesu flectenti 20. dierum indulgentias concessit.
De quodam Ludovic. Rege Galliæ, memorat BAC-
kius in expos. Evang. p. 222. quod quovies dixerit,
*benedictum sit nomen Jesu & nomen gloriosissime
matris illius*, triennii indulgentiā fuerit consecutus.
ALuthero nomen trahentes non tam nomen Jesu,
quàm ipsum JESUM hoc cultu externo profequun-
tur, ut eo prolato poplites flectant capitaqve denu-
dent. Sed quid Calviniani? Rident nostrum morem,
nosq; supersticiosos appellare nō dubitāt, ut videre
est in Jodoci *Nahumii* Conc. ad Luc. II. p. 101. ut & in
nöthigen Bericht der Heidelberger / c. 10, & II. Urgent
au-

autem sonum duntaxat atq; syllabas in nomine JE-
su à nobis attendi, homines in audiendâ concione
impediri & nominato Jesu Siracide genua sæpius
flecti. Ast, cui sanæ mētis uncia, nihil ponderis his-
ce inesse, statim intelliget; Neq; enim veneramur
nudum JESU nomen nudumq; sonum, sed rem i-
psam nomine significatam cum *Bernhardo* serm.
I. de circumcis. statuentes, *Jesum non vacuum no-
men aut inane portare, neq; in eo esse magni nomi-
nis umbram, sed veritatem.*

Deinde genuflexione modicam exigimus genu-
um incurvationem, non prolapsam in terram, qui
sæpius iteratus attentionem forte posset impedire.
Quod verò rudiores ad nomen Jesu Siracidæ ge-
nua inflectant, pileosq; capitibus detrahant, errori
ipsorum & ignorantia tribuendum est, quæ legiti-
mo usui nihil quicquam derogat, tantum abest, ut
penitus tollat. Se ipsos ergo derideant Reformati
suamq; gravitatem, quam tamen, facta Principis cu-
jusdam mentione, parum pensi habent. Si nomen
JESU ipsi tantam exosum contemptumq; in terram
ter exspuant, quod Judæi indicato nomine Jesu fa-
cere consueverunt, teste *Buxtorf. Synag. Jud. p. 167.*
Perpendant secum, quod *Juveni* cuidam accidisse
narrat *Wolffius Cent. xvi. lect. mem. f. 1088.* Ille enim
ad pronunciationē nominis Jesu neq; se incurvan-
do, neq; caput aperiendo debitum testans hono-
rem, à Satana manu fuit percussus. Restant fun-
damenta, quibus genuflexio cum capitis apertione
innititur. Producerem eadem, nisi ab optima spei
probæq; indolis *Juvene* JA-

JACOBO SCHMIDIO, Viri Plurimum
Reverendi atq̄ve Præ-Clarissimi DN. M. PAULI
SCHMIDII, Diaconi hic locorum meritissimi,
Adfinis & Amici honoratissimi, filio natu maximo,
oratiunculæ inserta esse scirem; his siquidem *ἡ δὲ σίαν*
capitisq̄ denudationem pronunciatō nomine
JESU sic vit probatum, ut plura adducturus ipsius
labori invidere, actumq̄; agere, quod in proverbio
dicitur, viderer. Proinde finem scribendi facio, vobis,
Musagetæ optimi, indicasse contentus, à Ju-
vene laudato oratiunculam cum annexo sermone
ἡ δὲ σίαν compositam, non ut manibus domi
premat, sed vobis præsentibus audientibusq̄ve
hora I. pomerid. ex umbone Scholastico habeat
recitetq̄ve. Accedite, quæso, dicentem benevo-
lè audite, inq̄ve sinum Plurim. Reverend. Dn. Pa-
rentis mecum effundite vota, ut filium multiplici
doctrinâ ornatum auctumq̄; honore non uno,
cum Deo & die, videat, suiq̄; in ipso imaginem ne-
potibus posterisq̄; relinquat. Hisce sua quoq̄; sub-
jicient *συχάματα* Græco-Latino-Germanica, qui in
condiscipulatu cum abituriente hætenus conjun-
ctissime vixerunt

JOH. FRIDERICUS Reil / Altenb.

JOH. CASPAR Zenner / Altenb.

MICHAEL Schumann / Petersberga-Osterl.

JOH. CHRISTOPH. SAGITTARIUS, Alt.

& FRIDERICUS Schmid / Altenb.

Valete, speiq̄; de vobis conceptæ, quod denuo ro-
go, facilem date locum. P. P. Altenburgi IV. Eid.

Apr. A. clb lbc LXXVI.

Ti 780

ULB Halle 3
002 500 698



Sb.

VD 17

W. C.






410

(a) F
 2. & 9. (C
 Kippingo Ins
 83. (e) in
 p. m. 503. (C
 (h) vid. C
 lecb. annot.
 de Com. pag
 Petr. Greg. T
 leario in Ma
 Philolog. dis
 IX. pag. 541.
 (p) lib. V
 (s) vid. A
 in opusc. de
 Joban. cit.
 (x) in App
 2. Histor. Na
 ed. Leoncl.
 Hotting. H.
 XLV. 1. seq
 95. in Octa
 28. (mm
 §. 38. (oo
 in Chron. F
 CXV. (r
 pag. 15. 16. e
 num. XI. f
 part. alter.
 28. (yy) l
 in Brev. Pe
 47. (ddd)
 XV. apud.
 in Cur

10.
 (b) cap. II, 1.
 g. 548. cit. Henr.
 b. 2. cap. 25. p. m.
 t. quest. cap. 17.
 colloq. I. pag. 12.
 mejus. (i) Da-
 anus ap. Camer.
 . 9. & seqq. vid.
 , Dn. D. Job. O-
 m) tom. I dispp.
 tb. sanct. annot.
 V. §. 43. pag. 183.
 . pag. 543. seqq.
 us. pag. 541. (t)
 tractat. 8. in
 V. sect. 1. pag. 278.
 XXVII. (z) lib.
 . XLVII. pag. 353.
 enda (cc) vid.
 m. 27. (ee) Jef.
 cap. 18. (ii) cap.
) lib. 2. H. N. cap.
 Mag. div. cap. 5.
 . 1. pag. 13. (pp)
 verit. cap. 10. fol.
 Reg. Rom. Gotb.
 Baron. in Annal.
 is pag. 412. (uu)
 (xx) l. c. num.
) p. 24. vid. Dieter.
 g. 342. eod. cit. pag.
 us excerpta ex cap.
) tom. 2. c. 16. (fff)
 lect. pag. 932.



KODAK Color Control Patches © The Tiffen Company, 2000
 LICENSED PRODUCT

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------

